



In dumënia ai 11 de Aurí él gnü sughé la 4° partida dl ritorno dl campionat 2010/2011 de 3° categoria por La Val. La partida é gnüda sugada cuntra la squadra da Gossensass (ultima te tlassifica) fora de cíasa. La partida é jüda fora 2 a 1. por La Val. Ince sce le Gossensass é ultimo, se á stenté en pü La Val.

Sciöche bel dl andata cuntra le Gossensass, á La Val porté a cíasa na vitoria de 2 a 1, mo na vitoria sufrida cina ala fin. Sciöche suzedü cuntra le Percha, La Val se stënta canche ara incunta scuadres che süga ma cun pales altes, lanci dai defensurs. Bel avisa insciö á ince sughé le Gossensass, suradüt tl secundo tēmp. La partida é metü man dēr bun por La Val, che á mustré de beles aziuns cun le pal bas y in velocitè. Rubatscher Florian á albü bel ti prüms 15 menüć döes beles ocajuns da porte La Val en vataje. Un ed iad dasú cuntra le portier, mo le tiro ti é ruvé ados al portier. La secunda chance ne él ruvé por püch nia ala conclujun, dô en bel cross de Frenes Daniel é le pal resté tla picera area, mo ala fin él sté le defensur che é stè bun da trá dmez. Daniel á spo cíamò fat atri bi crosc, mo le bun portier da Gossensass é tres sté bun da gní fora a to le pal, denant co i sogadusc da La Val podess ruvé ala conclujun.

Mo le prüm goal ti garetá al Gossensass, i defensurs da La Val ne é nia bugn da trá fora atira la pala, en atacant é insciö bun da ti to le pal y jí cuntra le portier, en bel tiro sön le palo lunch bas ne ti lascia degüna chance a Merch. Insciö se porta le Gossensass in vantaje. Ala fin dl prüm tēmp rōia cíamò La Val al pareggio. Te na mischia ulache trēi sogadusc da La Val é gnüs maza jö te area, rōia cíamò Rubatscher Florian ala conclujun, en bel tiro de potēza porta insciö La Val sön le 1 a 1. Le prüm tēmp se stlusc jö sön le pareggio.

Atira tl secundo tēmp é le Gossensass che fesc na bela aziun, en colpo te testa rōia de pūch dlungia le palo ia. Chēsta é stada l'ultima aziun por le Gossensass tl secundo tēmp. La Val á aumenté le ritmo, Elzenbaumer Alex á albū ūna dles plū granes Chancen por le 2 a 1. En bel passaggio de Frenes Daniel bas ti é bel avisa ruvé sōn le rigore, Alex éss ma plū messe apogé te porta, mo le pal é jū sura traversa fora. Pūch dedō al fat dribbeln dui defensurs Alex y se á acentré, mo le bel tiro é gnū paré dan ater defensur, foss zigū sté en bel tiro te porta. A mesa le secundo tēmp é spo Frenes Michael che á natra gran ocasiun, al é bun da se stopen cun le piet en bel lancio mo la conclujiun é ruvada sura porta fora. Florian rōia ince cíamó en iad dasú dan le portier, mo al tira indō ados al portier. Cun dūtes chēstes Chancen spregades y le tēmp che gne tres plū cūrt, é La Val che é jūs en pū en crise. Mo diesc menüc dala fin ti garetel a Thomas Tavella so prüm goal pro La Val. Al tol le pal y se fesc sō dūta la fascia da sú, en defensur ti fesc na burta entrada, mo al é bun da jí inant cuntra le portier. Canche al rōia dan le portier, ne sal gnanca plū vël ciche al á fat, al é ciumpedé tl pal, mo chēsta "mossa" á ince fat jí fora tēmp le portier, ingalin el spo da sú cun le pal dan porta, al á podū insciö porte le pal te porta. Chēsc goal interessant, che degūgn ne á cíamò capí, sciöche Thoams á fat da le fá ti a scinché trēi puné a La Val, che se porta insciö al 5° posta adūm cun Wiesen.

La formaziun titolara dla partida:



In cürt óiamò les sostituziuns dla partida:

al 70° Verginer Franzi por Elzenbaumer Alex

Al 75° Sottara Freddy por Rubatscher Romeo

Por ciaré ala tlassifica y i resultač dles artres partidas clicca. [Resultač y tlassifica](#)